

ORDE do 9 de decembro de 2025 pola que se establecen as bases reguladoras para a concesión de axudas á apicultura e se convocan para o ano 2026. Consellería do Medio Rural. DOG Nº 20 (30/01/2026)

Obxecto

Esta orde ten por obxecto establecer, en réxime de concorrencia competitiva, as bases reguladoras das axudas destinadas á mellora das condicións xerais de produción e comercialización dos produtos apícolas, no marco da Intervención Sectorial Apícola recollida no Plan estratéxico nacional da política agrícola común (PAC) do Reino de España 2023-2027, e proceder á súa convocatoria para o ano 2026.

A concesión das subvencións realizarase en réxime de **concorrencia competitiva**

Os códigos de procedemento son o **MR506A** (solicitud individual de persoas físicas ou xurídicas titulares de explotacións apícolas) e **MR506B** (solicitud de agrupacións de apicultores).

Beneficiarios

- a) As persoas físicas ou xurídicas, ou entes sen personalidade xurídica, titulares de explotacións apícolas, incluídas aquelas que sexan integrantes de explotacións de titularidade compartida recollidas na Lei 35/2011, do 4 de outubro, sobre titularidade compartida das explotacións agrarias, con exclusión das administracións ou entidades do sector público, sempre que:
- Leven realizando a actividade apícola con anterioridade ao 1 de xaneiro do ano de presentación de solicitude de axuda.
 - Sexan titulares dunha explotación con máis de 15 colmeas (solicitudes a título individual) ou con máis de 50 (para realizar a transhumancia).
 - Realicen alomenos un tratamento ao ano fronte á varroose.
 - Dispoñan dun seguro de RC das colmeas.
 - Cumpran coas previsións do RD 209/2022 de normas de ordenación de explotacións apícolas.
 - Teñan realizada a declaración censual anual referida ao 31/12/25 antes do 01/12/26.
- b) As agrupacións de apicultores/as, na medida en que os seus socios ou asociados beneficiarios das axudas cumpran cos requisitos establecidos na letra a) anterior. A solicitude de axuda deberá incluír, como mínimo, 1.500 colmeas.

Conceptos subvencionables

Poderán ser obxecto das axudas, de acordo coa normativa comunitaria, aquelas actividades ou investimentos que estean recollidos no anexo I do Real decreto 906/2022, do 25 de outubro (Intervención Sectorial Apícola) e encamiñadas a acadar os obxectivos dos seguintes tipos de intervención:

Intervención 1. Servizos de asesoramento, asistencia técnica, formación, información e intercambio de mellores prácticas, en particular mediante actividades de colaboración en redes, para apicultores/as e organizacións de apicultores/as.

A esta intervención só poderán optar as cooperativas apícolas, organizacións representativas, agrupacións de defensa sanitaria (ADS) e asociacións de apicultores/as, con personalidade xurídica propia, na medida en que os seus integrantes cumpran os requisitos recollidos no artigo 4 para seren beneficiarios/as, no sucesivo, agrupacións de apicultores/as (procedemento **MR506B**).

Acción 1.1. Contratación directa de técnicos e especialistas para información e asistencia: a axuda poderá ser ata o 90% do custo cun límite de 30.000 € por técnico. O importe máximo da axuda por agrupación non superará os 60.000 €

Acción 1.2. Organización, celebración e asistencia a cursos de formación e formación continuada: poderá subvencionarse ata o 60% cun máximo de 5.000 € por agrupación.

Acción 1.3. Medios de divulgación técnica: poderá subvencionarse o 90% cun máximo de 5.000 € por agrupación.

Acción 1.4. Contratación de persoal administrativo: Contratación de persoal administrativo para agrupacións de defensa sanitaria (ADS) apícola e agrupacións de apicultores/as. Poderá subvencionarse ata o 90%, cun máximo de 0,5 € por colmea e sen superar os 15.000 € por beneficiario.

Intervención 2. Investimentos en activos materiais e inmateriais, así como outras accións, incluídas as destinadas a:

Acción 2.1.1. Tratamentos contra varroose: máximo de 2.5 € por colmea e ata o 90% do custo co límite de 18.000 €.

Acción 2.1.2. Tratamentos contra varroose compatibles coa apicultura ecolóxica. Máximo 5 € por colmea, ata o 100% do custo e co límite de 18.000 €

Acción 2.1.3. Produtos para incrementar a vitalidade das colmeas en estados de risco. Podrá subvencionarse ata o 80% do custo co límite de 6 € por colmea.

Acción 2.1.4. Renovación e acondicionamento de cera. Poderá subvencionarse ata o 70% do custo, co límite de 5 € por colmea.

Acción 2.1.5. Adquisición de trampas, atraentes, equipos de protección individual e calquera outra medida aprobada pola autoridade competente para a captura, eliminación, disuasión e control de *Vespa velutina* e outras especies invasoras.

- No caso das trampas poderá subvencionarse ata o 100% do custo das trampas co límite de 5 € por trampa e 12 € polo atraente.
- No caso de EPI's e medidas de control de especies invasoras, poderá subvencionarse o 70% co límite de 3 € por colmea.

Acción 2.1.8. Sistemas de xestión colectiva de residuos de medicamentos por parte de agrupacións de apicultores/as. Poderá subvencionarse ata o 80% do seu custo.

Acción 2.2.1. Estudos que inclúan exemplos prácticos do manexo e xestión nas explotacións apícolas. Ata o 70% do seu custo.

Acción 2.2.2. Gastos de investimento en equipamento que permita a adaptación a fenómenos climáticos adversos. Ata o 70% do seu custo.

Acción 2.3.1. Investimentos para a cría de raíñas. Ata o 70% co límite de 5 € por colmea.

Acción 2.3.2. Adquisición de raíñas e enxames, de especies e subespecies non alóctonas. Ata o 70% co límite de 5 € por colmea.

Acción 2.4.1. Adquisición, conservación e mellora da maquinaria e dos equipos necesarios para a manipulación das colmeas. Ata o 80% do seu custo.

Intervención 2.5. Inversións en activos tanxibles e intanxibles (útiles, equipos, sistemas de manexo, especies florais, software e equipos para a monitorización e xestión de explotación, seguro de RC, sistemas de protección e vixilancia, equipos de envasado e etiquetaxe. Poderá subvencionarse ata o 80% do seu custo.

Intervención 3. Actuacións para prestar axudas aos laboratorios na análise de produtos apícolas, na perda de abellas ou nas caídas na produtividade, e de substancias potencialmente tóxicas para as abellas.

Inclúense contratación de servizos de análise e kits para a realización de análise. Poderá subvencionarse ata o 70% do seu custo.

Intervención 6. Promoción, comunicación e comercialización, incluídas as accións e actividades de vixilancia do mercado destinadas, en particular, a sensibilizar os consumidores sobre a calidade dos produtos apícolas. Este tipo de intervención só poderá ser solicitado por parte de agrupacións de apicultores/as de máis de 40.000 colmeas que leven a cabo actuacións de comercialización. Para estas accións poderá subvencionarse ata o 70% do seu custo.

Intervención 7. Actuacións para aumentar a calidade dos produtos: gastos de certificación de normas de calidade de produtos apícolas por parte de agrupacións de apicultores, gastos de asesoría para xeración de marcas de calidade, auditorías e implantación de sistemas de calidade, auditorías de operadores, seguemento da cadea de calidade dos meles no mercado. Poderá subvencionarse ata o 70% do seu custo.

Criterios de valoración

Atendendo ás particularidades da produción apícola na nosa comunidade autónoma, seguirase a prioridade seguinte entre as axudas para as diferentes accións.

Os criterios obxectivos de outorgamento serán os establecidos mediante a seguinte valoración de puntos:

- a) Dimensión das explotacións:
 - De 16 a 1.500 colmeas: 3 puntos.
 - De 1.501 a 10.000 colmeas: 4 puntos.
 - 10.001 ou máis: 5 puntos.
- b) Explotacións en titularidade compartida: 3 puntos
- c) Pertenza da explotación á indicación xeográfica protexida (IXP) Mel de Galicia ou explotación rexistrada no Consello Regulador de Agricultura Ecolóxica de Galicia: 2 puntos
- d) Pertenza da persoa solicitante a unha ASDG: 1 punto
- e) Pertenza da persoa solicitante a unha cooperativa apícola ou ser unha cooperativa: 1 punto. No caso de que se trate dunha entidade asociativa prioritaria, conforme a Lei 13/2013, do 2 de agosto: 3 puntos.
- f) Cumprir coa condición de titular de explotación profesional: 1 punto
- g) Explotación apícola da persoa solicitante situada en zona desfavorecida: 2 puntos.
- h) Solicitude presentada por unha agrupación de apicultores/as: 3 puntos.

Execución das accións

Os gastos e os investimentos obxecto da axuda deberán realizarse no período comprendido entre o 1 de agosto de 2025 e o 31 de xullo de 2026.

Presentación de solicitudes

O prazo para a presentación de solicitudes irá dende o **31 de xaneiro ata o 2 de marzo de 2026**.